



2. Vnderriecht was ein Christ von dem heyligen  
Vater und heyligen Geiste soll do. Altes.
3. auf Luthers Sendbrief an die Christen  
von heyligen geistlichen autwort do. Cor. 1. 1.
4. Ein Epistel S. Hieronimi der frantzösischen  
auch Zugschreiben
5. Die vnter vier bücher ul. p. Sclavij
6. Ein küniglich vnderriecht das die Altes  
opfer ist des heyligen büchstab
7. Außweisung warum die außserweyden die  
sich zu dem heyligen mit sich gehen
8. Kopieren der küniglichen zu Altes  
sachung vnderriecht nicht außserweyden  
zur Disputation
9. von gutten wercken und glauben der  
prediger zu Altes vnderriecht
10. Das nicht alle Christen die  
gleich sind sein des heyligen büchstab
11. Ewige Seite Elizabeth Dreyß



Georgs-B.

Georg 837

Handwritten text from the reverse page, partially visible through the paper. It includes large decorated initials in red and blue, such as 'A' and 'H', and fragments of Latin or German text.



11.  
Anzeigung vnd vrsa-  
chen/ warumb die gesunnen vnnnd angedrungen  
Disputation yn der Alten Stadt Magdeburgk  
nicht yhren vorgang gehabt/ Wollen wir prediger der  
Erzbischoffliche Kirchen doselbst allen fromme  
Christen durch disen vnsern vndericht  
angezeygt haben.

1 5 2 8.

*[Faint, illegible text, likely bleed-through from the reverse side of the page]*

**G**n  
vnd alle  
macher /  
zu Mag  
men crist  
bens/vn

**V**ble  
vn  
deburg v  
gen wir e  
dem / in  
gezeyten  
feltige vn  
ben/gem  
sam/vnd  
vnd furg

Vnder  
putation  
belangen  
vnder eyn  
angesum  
vormerck  
ist / dan  
auffschur  
cken / dan  
vleys gef

Vnd w  
nen anha  
das wir y



# Gnad. frid. trost. heyl.

vnd alle seligkeit durch Ihesum Christum vnseren selich-  
macher / Bitten wir prediger der Erzbischofflichen kirchen  
zu Magdeburgk / von Got dem ewigen vatter / allen from-  
men cristglaubigen menschen bestendicheyt des heyligē glau-  
bens / vnd gehorsam gemeyner Christlichen kirchen Amen.

**V**id damit ewer lieben vñ gunsten nicht vnangerzeygt  
bleybe / aus was grundt vñd vrsachen die gesunnen  
vnd angedrungen disputation in der alten stad Mag-  
deburg vorblyben vnd yhren vorgangk nicht gehabt / mö-  
gen wir ewer liebe vñ gunst nicht bergen / Dieweyl vnd nach  
dem / in disem izleuffrigen ferlichen vñd erschrecklichen  
gezeyten / durch mancherley weyß vnd vleys das arme eyn-  
feltige vnuorstendige cristlich volck / vom Christlichem glau-  
ben / gemeyner Christlichen kirchen / abtrunnich / vngehors-  
sam / vnd der Lutherischen lere anhengig zu machen gesuchte  
vnd furgenomen wirt.

Vnder welchem mittel die angedrungen vnd gesunnen dis-  
putation / eyns articckels halben / den glauben vñd werck  
belangend / durch Niclas Amßdorff vnd seynen anhangk  
vnder eym scheyn / als seyn sie durch vns dartzu erfordert vñ  
angesunnen wordē / erfunden ist. Daraus wir anders nicht  
vormercken mögen / wie es auch an yhm selbs klar vnd war  
ist / dan das sulch anforderen / der disputacion / ist mehr  
auffschur zuerregen vnd den auffrurischen hauffen zuerwe-  
cken / dan fride zumachen / vorseziglich gesucht vñd mit  
vleys gesurdert wurden.

Vnd wirt vns mit vnbillicheyt durch Amßdorff vnd sey-  
nen anhangk zugemessen / das er von vns dartzu erfurdert /  
das wir yhme gar nicht gestendigk / Vñd ab gleych eyner

A h

von vns in seyner sermon heth gesagt / ehr möchte erleyden /  
ader wolt gerne sehen / das eyner von den Mertens brüder  
zu yhme keme / vnd zeygte yhme schrifte an / dadurch seyne  
allegata vnd angezeygte schrifte gnüglich mochten vorlegt  
werde zc. Kan ader mag doch sulchs nicht vorstanden ader  
gedeut werden / das er dadurch zu eyner disputation were  
geruffen worden. Vnd so es gleych eyn furderung ader ans  
mutung eyner disputation seyn solle (wie es doch nicht ist)  
möchte es dennoch der gestalt / wie Amstdorff vorhath /  
nicht surgenomen / noch mit liebe / oder freundschaft vor  
bracht werden / vnd were gar eyn vnformlich thuen / bette  
auch nicht die arth / weyße noch maesse eyner rechtmessigen  
disputation / wie auch Amstdorff sich selbest wol wirt wiß  
sen zuerinnern (wu er vor seyner münzschers geyste als  
zu forchten ist so vil weyl bette) das zu eyner beständigen  
vnd rechtmessigen disputation so man in hohen schulen vnd  
vniuersiteten pflegt zuhalten / scheydes richter / antworter  
vnd andere beysitzer pflegen zu seyn zc. Vth wil Amstdorff  
den auffwrischen hauffen zum richter haben / welchs ist wi  
der die arth weyße vnd form der disputation / darumb er mit  
sulchem seyner fürnehmen mehr zu eyner feilschlacht / dan  
zur disputation geschickt wer. Es ist auch die angedrungen  
vnd gesunnen disputation / von vns / aus blödiey / oder  
aus forcht der vnwissenheit / vor vnser person nicht vorsagt  
oder abgeschlagen / vnd zu rick gestalt worden. Sonder aus  
mercklichen vnd beweglichen vrsachen / Nemlich das durch  
die gemeyne Christliche Kirche Keyserliche rechten vñ sey  
ner Keyserlichen Maiesteten Mandaten vnd vil beständig  
ger schrifte verbotten / das die articke vnser heyligen Chri  
stlichen glaubens vñ was den anhengig ist / nicht in zweyfel /  
zwyfspaltickeyt nach vñ eynige disputation zu führen yhn  
ansehe / das durch sulche disputation im zugange die besten  
digē ym glauben müde gemacht / die schwachen gefangen /  
vnd die mittelen zu zweyfel gelassen werden / dirweyl dann  
der massen mehr schade dan nutz daraus kömmet / mögen  
sulche disputation billich vordreyben.

Der n  
dis fals  
ader in s  
niger vñ  
keyns wa  
sere gned  
tels (S  
dem hoc  
vñ Kur  
das die s  
Ma. ode  
suchten  
scheyden  
ten / vñ  
an alle  
gewesen

Uoch  
fruchtba  
vnd für  
cht ande  
Amstdor  
behelff  
sie eyger  
gestalt r  
meynen  
vnd vns  
schaffen

Vnd  
wer sich  
dem sie  
zuorm  
zig / zu  
sing der

Der wegen auch ein hochwürdig Capitel zu Magdeburg  
dis fals sulche angesummen disputation / nach offentlich  
ader in sunderheyt zuorstaten ader nach zulassen / vil wes  
niger vns zuuolbringen / hynder yhrer vnd vnser oberkeyt  
keyns wegs hat gebüren wollen. Wie wol sich die selbigen vn  
sere gnedige vnd gunstige Herren des hochwürdigen Capit  
tels ( So yhe die disputation nicht möchte vorbleyben ) bey  
dem hochwürdigsten Cardinal vnd Erzbischoffe Primaten  
vñ Kurfürsten 2c. vnseren genedigsten herren anzuhalten /  
das die selbige S. R. F. G. vor sich / oder von Keyserlicher  
Ma. oder der selbigen Key. Ma. Statthalter / zu der ange  
suchten disputation an gebürlichen stellen commissarios /  
scheidenrichter vnd andere beysitzer aus zubringen erbot  
ten / vnd wir / auch eyn izlicher von vns / vor den selbigem  
an alle schew vnd forcht zu disputiren zu stellen erbottig  
gewesen / dohyn wir vns auch noch thuen erbieten.

Noch ist es alles bey Amßdorff vnd seynem anhang vns  
fruchtbar vnd vorechtiglich gehalten worden / vnd sich für  
vnd für auff den gemeynen hauffen getrozt daraus wir nis  
cht anders vormercken / dan das sulche disputation / durch  
Amßdorff vñd seyne mithelffern an vns / alleyn zu eym  
behelff gedrungen / vnd gar nicht gemeynt wirt noch dem  
sie eygentlich wissen / das die selbige nicht kan ader mag der  
gestalt wie gesummen zugelassen werden / vnd also dem ges  
meynen vnuorstendigem volck / die augen thuen vorblendē /  
vnd vns predigern dadurch absal widder spennickeyt zuor  
schaffen / vnfridt / vnd auffthur gegen vns zuerwecken .

Vnd so gleych die selbige disputation zugestattet wurde /  
wer sich doch keyner besserunge / sonder mehr vnwille ( nach  
dem sie in yhrem vornemen kein eynsage leyden wollen )  
zuormuten. Gleychmessig inn vorgangen yharen zu Lexp  
zig / zu Jörch / Baden / vnd an anderen örteren / durch zulass  
ung der oberkeyt offentliche disputation seyn gehalten wor

den / auch mitt vorordnung geburlicher scheidensrichtern  
vnd anderen städtlichen vnd gelarten beyfigern / da auch  
die disputirliche partheyen in die selbigen richter vnd beyfig-  
zer gewilliget / dennoch ist sunderlich nichts fruchtbarliche  
daraus gespurt worden / Sunder mehr weyterung.

Sulchs alles vnangesehē / ist Amßdorff auff seynem vor-  
nemen vorharret / Als den haben vnser gnedige vñ gunstige  
herren des capittele / dem gelimpff zu gutte / zu eynem mit-  
tel diser handelung fürgeschlagen / vnd also / das Amßdorff  
seyne vormeynte conclusion ader schußfred wider er Valen-  
tin / thet vñ eyn schrifft ader druck stellen / dargegen er  
Valentin seyne position / meynung vñ verstandt widerumb  
auch in schrifft ader druck bringen solle / vñ das dar nach  
dem hochwirdigē capittele / sampt dem Erbaren Rad sulchs  
zu besichtigen vndergeben wurde / vñ so sie sich dar vber  
nicht hetten mögen voreynigen / das es als dan an eyn an-  
dern geburlichen vñ  
örteren solt seynn vñ  
ch mittel vñ  
wol hett mögen angenommen werden / doch ist er durch  
Amßdorff / als von eym der zum frid vñ vñ vñ vñ vñ vñ vñ  
neygt / abgeschlagen vñ  
wurdten.


Dennoch so sollen vns die selbigen ewer liebe vñ gunst /  
so kleyntonig nicht halten / So Amßdorff vor seyn person /  
yhe lust zur disputation hat / solle eyner aus vnserem mittel /  
mit yhme auff disen nechstkunfftigen reichstag / odder wir  
wir durch die selbigen hyn geweyset werden bey rechtlicher  
aufgesetzter pene / ader nach gefallen des ganzen reichs / mit  
yhme zu disputiren / vñ  
den / dohyn wir vns auch nachmals auff die angedrungene  
disputation wollen erbotten haben / Vñ nach dem er vns in  
seynem schmachbuchleyn / das wir widder die Keyserliche  
Mandata sollen gehandelt habē / schuld gibt / vñ er sich den  
selbigen gemeß gehalten / mag ers doselbst deßterbas gegen  
vns genyessen.

Sulch  
lenthalt  
die ang  
Amßdor  
sparter  
betrifft  
glauben  
che aus  
seynem  
wils G  
werden  
ben / vñ  
soluiren  
derricht  
berichter  
zu vns sa  
haben /  
vorsure  
dichlich  
Das hel  
liger ge

Sulchs haben wir ewerer liebe vnnnd gunst/ damit yhr als  
lenthalben / wissen mögt / aus was grund vnnnd vrsachen /  
die angedrungen disputation zuruck gestalt wurden / vnd  
Amßdorff seyne schandt buchlin / mit vngrunde vnnnd ge-  
sparter warheyt hat lassen aus gehen / darynne er auch zu  
betreffrigunge / seyns artickels / das der mensch durch den  
glauben / on zu thnen der werck / selig werde 2c. etzliche spru-  
che aus der schrift an tag gebracht / vnd die selbigen / nach  
seynem vorstandt zyhen vnd deutten wil / welche wir yhme /  
wils Gott / kurzlich (so bald wir durchn druck gefertiget  
werden mögen) durch eyn büchlin / so wir itzo vorhanden ha-  
ben / vn̄ bald werden lassen aufgehen / gnüglich vorlegen vn̄  
soluiren wollen. In ganzer zuuersicht Amßdorff / also zu vn̄  
derrichten / so er sich mit gegrundter warheyt der schrift  
berichten wil lassen / vnd seyner zusage nachkomen / das er  
zu vns sal tretten / Darumb wollet eynn kurze weyle gedult  
haben / vnd euch in ewren gewissen nicht beschweren / ader  
vorsuren vnd abtrunnich machen lassen / Sonder besten  
dichlichē bey gemeyner heyligē Christlichen kirchen bleyben /  
Das helffe euch vnd vns Gott der vatter / Son / vnd heyl-  
liger geyst Amen.

Die prediger der Erzbischoffs  
lichen kirchen zu Magdeburg.

vnd gunst /  
eyn person /  
rem mittel /  
/ odder wir  
rechtlicher  
reychs / mit  
unden wer  
gedrungen  
m er vns in  
Keyserliche  
er sich den  
das gegen



Ke  
diger  
vnd  
auc

wo  
so t

y















11.  
Anzeigung vnd vrsachen/  
warumb die gesunnen vnd angedrungen  
Disputation yn der Alten Stadt Magdeburgk  
nicht yhren vorgang gehabt/ Wollen wir prediger der  
Erzbischoffliche Kirchen doselbst allen fromme  
Christen durch disen vnfern vndericht  
angezeygt haben.

1 5 2 8.

